

國方志叢書・華中地方・第八八八號

據

清・王肇賜等修，陳錫麟等纂
清同治十二年刊本

影印

江 西 省

新淦縣志



成文出版社有限公司印行

同治九年歲次庚午重脩

新淦縣志

重修新淦縣志序

上淦為古揚州地虞夏商周以來屬吳屬越
屬楚代稱名區蓋其間有垂以之明秀玉笋
阜頌之慈倩磅礴鬱積蔚為人文之藪以茲
練松月奎文靖胡荻思黃仁山曾孔諸公皆
炳耀寰區足以流傳不朽其他之傑出者如
雖更僕數頌之紀載缺如何以屬風化維人
心乎粵稽淦志初纂於宋之嘉泰歷元明

康熙乙未凡六修道光乙酉平陵宋公唐尹
是邑毅然舉百餘年廢典而一新之蓋採訪
纂備矣今幾五十年嗣焉未舉歷之又久恐
沿訛滋甚則志之修焉可以緩抑余更有報
結於中不能自已歆與都人士交勉於無窮
者以謹固家君疇昔並仕之邦而余所誕
生處也懷道光丙申歲家君攝篆茲土

而余適生於署中及稍長家君亦解組歸田
時於趨庭之暇因述途中往事輒思再履其
境一觀風土人物以為快迨持檄來江自臨
安調補斯任今且六載於茲矣甫下車禮延
紳耆皆依以舊相渙詢及邑乘今日自髮
遂竄援城市為墟僅存鈔簡鈔編矣余恨
然久之適蒙憲檄重修省志頒發條例
俾各州縣為式彙進爰稽於眾為重修計

問者以爲難者余曰天下事患不得人耳此
得其人雖經綸庶務可也區區修志何有哉
至進士陳君家君同譜友也年高而德劬
徑術湛深足資考據至採訪校勘等務分理
亦均得其人數者備而修志之道思已守矣
議成設局諸同志精心研究斟酌未幾
工竣余曰此陳君纂述之勞而諸君贊襄之
力也余則何敢忘耶且余視陳君家也謹之

人從父兄弟也生於斯宰於斯諸君子其
維持匡我不逮其裨益良多從自今觀風俗
者徵其實辨名物者稽其詳司典社者有
所型式鄉閭者有所勸後先流美胥於是
賴焉今而知悠々數十年終得與二三同志
共事一室溢容坐論獲睹昭備之休者不
可謂非天假之緣也倘邑此以往或仕他邦
或歸故里乎此一編足聆警款余所為中

心振結不能自己欲與都人士交勉於海窮
若此斯而已是為序

同治十二年歲次癸酉季春上浣知州銜知

新淦縣事朱魯王肇賜撰



道光癸未舊志序

知新宋

庚

平

上淦之名昉於秦漢唐以來或隸豫章或隸九江吉州
或割淦之都圖上爲峽江下附清江沿革散見於載籍
然蒐討故實彙成志書則前此無傳焉淦之有志也自
宋嘉泰始迄

國朝康熙癸丑凡五修皆以兵燹散佚存者王公毓德六
修於康熙乙未今又百有餘年矣傳聞異辭故老衰謝
遲之又久廢墜滋甚守土者之憂也今

上御極之三年嶺南程月川先生來撫江右倡修省志數取郡

縣志頒條例三十有二命所屬如式纂輯備採擇焉
文獻之邦也奈何以闕畧不備之書進也用是告都人
士其職七修且夫修志不難難於得人必博雅之人乃
可以稽古必桑梓之人乃可以知今必廉靜正直之人
乃可以昭矜式而息浮議邑貢生秩南陳君行端而學
贍尤精考訂凡鄉先達之行誼著述可爲典要者耳聞
目見所及可備掌故者疆域之變革風俗之異同山川
名勝之蹟之漸卽湮沒者皆筆之於簡端久而成帙資
以修志如駕輕車就熟路耳抑是舉也非一手足之烈

也職採訪者人貴誠慤若某某宜任捐輸者人貴勤敏
若某某宜慎出納司會計者人貴精詳若某某宜以至
校讎收掌諸人罔弗用當其才各供厥職於修志乎何
有雖然用不足奈何則僉曰淦俗好禮而尙義志所述
事非其祖若父卽宗族嫺嫺也否則及生平行事與夫
子姓通顯婦女節孝之類也令聞廣譽垂之無窮有不
踴躍從事者必非人情其樂輸一也邑多未竟之事

文廟落成於今數載而泮池圯如故是當議修秀峯門爲
大成殿門戶昔人惑於形家者言偏而西向若跛倚以臨者

論者謂科名不振實由於此近又風雨摧剝如將壓焉
是當議改湓無考棚縣試則諸生肩坐具之縣署試畢
又肩而出嘻甚矣憊且非所以昭體制也是當議創三
者勢不得不捐然數數爲之擾矣請額糴一石輸錢貳
百約可得八千餘緡以其三之一修志以其二治吾邑
諸要工則事逸功倍邑人皆稱便焉其樂輸也二比者
雨暘時若歲屢告豐庶幾菽粟水火之風焉安見禮義
之好今不古若也哉議定懸書佈告鄉邑果不數月而
輸者雲集設局金川書院以道光三年四月興修四年

九月志垂成矣時余俸滿北上緣事中輟不果成五年
三月京旋乃集諸同人續成之爲卷三十有二爲冊二
十有四較乙未王志增數倍焉則陳君纂輯之勞諸君
勛襄之力不可忘也用序顛末如左陳君名化亡酉拔
貢興余同譜協修諸君姓氏例得備載

Vertical text columns within a rectangular frame, likely representing a page from a traditional Chinese manuscript. The text is arranged in multiple columns, reading from right to left. The characters are faint and difficult to decipher due to the quality of the scan.

康熙乙未舊志序

知新王毓德三韓
金縣

周禮小史掌邦國之志外史掌書外令掌四方之志志
之爲言凡以述故事昭典守此郡邑志乘所由來歟我
皇上聖德神功統一區宇爰

命儒臣纂修一統志方輿考畧諸書維時大司寇崑山徐公太
學士澤州陳公實任其事要必藉直省志乘爲根柢余
方習業之餘側聞先生長者之緒論規撫法程或以土
地人民政事三者爲綱或以志地志人志政志事志言
五者爲類曷而不華切而有要庶稱信書焉康熙戊子

夏策仕金川始受事卽取邑志繙繹之志固前令天中
董君康熙癸丑所重修者條分縷悉至爲詳備今秋公
暇念斯志之成迨今垂四十三年其間官師之代更科
目之登進與夫城郭公廨祠廟橋梁之繕治顧闕焉弗
紀將來聞見浸遠恐無以詔來許因就舊目而增載之
使後之人覩其姓字則相與指而評之曰孰爲惠愛元
元冰操藻鑑者孰爲立身行義不愧科名者又或覩其
興作則相與遙而憶之曰廟貌新可以作民敬矣官舍
治可以作民肅矣色樓櫓而民有衛通橋梁而民利涉

矣他如災膏有恤額賦有蠲

皇仁普被尤當特書剖劄既竣煥然改觀顧斯刻既成余且皇
然有動於中焉自令浚入載以來就今時之習尚合諸
紀載之傳聞所謂君子尚禮而好義小民勤力而知分
古今人異世同揆讓畔路訟獄衰息乎自

國初庚戌減賦而後閭閻懷樂利使長吏不仰屋於催科
而百里內家絃戶誦敦詩說禮英妙才華之子果能近
正人聞正言無煩佻達之刺乎觀子弟者視其父兄觀
齊民者視其鄉大夫凡以言教行自上也夫補偏救敝